

Potpuno funkcionalan Ustavni sud FBiH od ključne važnosti za poštovanje Ustava FBiH i vladavine prava



Visoki predstavnik pozdravlja današnje imenovanje u Domu naroda Parlamenta FBiH i na posljednju upražnjenu poziciju sudije u Ustavnom sudu FBiH. Visoki predstavnik želi uputiti pohvale zbog današnje odluke delegata Doma naroda Parlamenta FBiH.

Potpuno funkcionalan Ustavni sud FBiH, u punom sastavu, što omogućava tom sudu da izabere sudije na upražnjena mjesta u Vijeću za vitalni interes, nakon godina odlaganja i političkih blokada, važan je element u obnavljanju vladavine prava i funkcionalnih institucija u Federaciji Bosne i Hercegovine. Visoki predstavnik je rekao da je ovo imenovanje važan korak u provođenju Paketa funkcionalnosti FBiH koji je donio 2. oktobra.

Visoki predstavnik Christian Schmidt pozdravio je današnje kompletiranje imenovanja sudija u Ustavni sud FBiH, čime je osiguran nesmetan rad ove ključne institucije na poštovanju Ustava FBiH i sprečavanju daljnjih blokada. Visoki predstavnik je čestitao svim novoimenovanim sudijama Ustavnog suda FBiH.

Visoki predstavnik sada očekuje brzo formiranje zakonodavne i izvršne vlasti, u skladu sa voljom birača izraženom na dan

izbora. Ne može biti daljnjih odlaganja niti političkih igara koje bi držale FBiH kao taoca, dodao je visoki predstavnik.